



Broj: 28-01-30-219/22  
Sarajevo, 17. 10. 2022. godine

Na osnovu člana 21. Zakona o namještenicima u organima državne službe u Federaciji Bosne i Hercegovine ("Službene novine Federacije BiH, br. 49/05 i 103/21), direktor Kantonalnog zavoda za pružanje besplatne pravne pomoći Sarajevo objavljuje

**INTERNI OGLAS**  
**za prijem namještenika u radni odnos na neodređeno vrijeme**

**1. Naziv radnog mjesta:**

- **Viši referent za administrativno-tehničke poslove i poslove vozača-kurira.....1 (jedan) izvršilac**

**2. Opis poslova radnog mjesta:** Obavlja kancelarijsko poslovanje - vrši unos podataka, vođenje evidencija o arhiviranim predmetima i odlaže sve predmete po kojima je okončan postupak u odgovarajuće fascikle i registarski materijal; po zahtjevu pravnih zastupnika izuzima predmete iz registarskog materijala i vodi evidenciju o izuzetim predmetima; evidentira i otprema poštu; rukuje uređajima za kopiranje; obavlja poslove vozača motornog vozila za potrebe direktora Zavoda i drugih državnih službenika i namještenika u izvršavanju poslova iz nadležnosti Zavoda; vodi brigu o ispravnosti i čistoći motornog vozila, blagovremeno prijavljuje nastale kvarove i nedostatke; vodi naloge i propisanu evidenciju o pređenoj kilometraži, utrošku goriva i maziva, te obavještava nadležnu službu o potrebi registracije vozila; nakon obavljenog službenog puta obavezan je odmah opravdati putni nalog i nakon završene vožnje obavezan je parkirati vozilo na predviđeno mjesto; preuzima i dostavlja poštu za sud, organe uprave i druge institucije i ustanove, obavlja sve kurirske poslove za potrebe Zavoda; zaposlenik je dužan da učestvuje u organizaciji posla na način da zamjenjuje privremeno odsutnog namještenika u cilju obezbjeđenja funkcija iz djelokruga rada izvan organizacione jedinice; obavlja i druge poslove iz nadležnosti Zavoda po nalogu direktora, odnosno pomoćnika direktora kojeg ovlasti direktor Zavoda i njima odgovara za svoj rad.

**3. Posebni uvjeti za vršenje poslova:** Pored općih uslova iz člana 24. Zakona o namještenicima u organima državne službe u Federaciji Bosne i Hercegovine, kandidati trebaju ispunjavati i posebne uvjete za obavljanje poslova radnog mjesta: SSS - III ili IV stepen - završena gimnazija, saobraćajna ili ekonomska škola, najmanje 10 mjeseci radnog staža, položen stručni ispit, položen ispit za vozača B kategorije i poznavanje rada na računaru.

#### 4. Spisak potrebnih dokumenata:

- 1) svojeručno potpisana prijava na interni oglas s kratkom biografijom, kontakt podacima (adresa stanovanja i broj telefona) i tačno navedenom dokumentacijom koju kandidat prilaže;
- 2) uvjerenje o državljanstvu BiH (ne starije od šest mjeseci);
- 3) izvod iz matične knjige rođenih;
- 4) svjedočanstvo ili diploma o završenoj školi;
- 5) dokaz o radnom stažu u struci;
- 6) dokaz o položenom stručnom ispitu za namještenike u organima službe,
- 7) izjava da osoba nije obuhvaćena odredbom člana IX stav (1) Ustav Bosne i Hercegovine, ovjerena od strane nadležnog organa;
- 8) izjava da osoba u posljednje dvije godine od dana objavljivanja internog oglasa nije otpuštena iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine, odnosno u Bosni i Hercegovini, ovjerena od strane nadležnog organa;
- 9) potvrda da je kandidat u radnom odnosu u organu državne službe u Federaciji Bosne i Hercegovine;
- 10) dokaz o položenom ispitu za vozača B kategorije, te
- 11) dokaz o poznavanju rada na računaru.

Dokumentacija kojom se dokazuje status korisnika po Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevu i općinama u Kantonu Sarajevo ("Službene novine Kantona Sarajevo", broj 37/20 i 27/21) i to:

- 1) član porodice šehida/poginulog, umrlog i nestalog branioca:
  - uvjerenje o statusu djeteta šehida/poginulog, umrlog i nestalog branioca,
  - rješenje o priznatom pravu na porodičnu invalidninu za suprugu šehida/poginulog, umrlog i nestalog branioca,
  - uvjerenje o učešću u Oružanim snagama za šehida/poginulog, umrlog i nestalog branioca.
- 2) ratni vojni invalid:
  - rješenje o priznatom svojstvu ratnog vojnog invalida,
- 3) dobitnik ratnog priznanja i odlikovanja:
  - rješenje o priznatom pravu na mjesečno novčano primanje dobitnika priznanja,
- 4) demobilizirani branioci:
  - uvjerenje o učešću u Oružanim snagama,
- 5) dijete ratnog vojnog invalida ili dobitnika ratnog priznanja i odlikovanja ili demobiliziranog branioca:
  - uvjerenje o statusu djeteta ratnog vojnog invalida,
  - rješenje o priznatom pravu na: invalidninu, mjesečni novčani dodatak, uvjerenje o učešću u Oružanim snagama;
- 6) supruge ratnih vojnih invalida:
  - uvjerenje o statusu supruge ratnog vojnog invalida
  - rješenje o priznatom pravu na invalidninu.

Dokumentacija se uz prijavu dostavlja u originalu ili ovjerenjnoj kopiji. Izabrani kandidati će biti dužni dostaviti ljekarsko uvjerenje o zdravstvenoj sposobnosti prije stupanja na rad.

#### 5. Rok trajanja oglasa i adresa za podnošenje prijave:

Interni oglas ostaje otvoren 10 (deset) dana od 17. oktobra 2022. godine kada se objavljuje na web stranici Kantonalnog zavoda za pružanje besplatne pravne pomoći, oglasnoj ploči Kantona Sarajevo i oglasnoj ploči Kantonalnog zavoda za pružanje besplatne pravne pomoći .

Prijave na oglas sa dokazima o ispunjavanju uvjeta i potrebnom dokumentacijom dostavljaju se u zatvorenoj koverti preporučenom poštom, sa naznakom:

**Kantonalni zavod za pružanje besplatne pravne pomoći Sarajevo  
Branilaca Sarajeva 21, Sarajevo  
“Komisija za provođenje internog oglasa za prijem namještenika – ne otvaraj”**

**NAPOMENA:**

Pravo prijavljivanja na ovaj interni oglas imaju samo namještenici koji su već uposleni u organima državne službe na svim nivoima Federacije Bosne i Hercegovine. Sa kandidatima koji budu ispunjavali uslove iz internog oglasa će se obaviti intervju.

Nepotpune i neblagovremene prijave neće se uzeti u razmatranje.



**Dostaviti:**

- oglasna ploča Kantona Sarajevo,
- oglasna ploča Kantonalnog zavoda za pružanje besplatne pravne pomoći Sarajevo,
- web stranica Kantonalnog zavoda za pružanje besplatne pravne pomoći Sarajevo,
- u broj 28-01-30-219/22